

丁未天目宜興長興紹興同一夕山崩水溢漂人畜亡筭

巳酉封祁鏞襄王詮鉅西陽王鍾鏞交城王鏐周胙城王

辛亥鄭府河陽王見為薨見十五謚懷簡

壬子故事十一月朔頒歷是日冬至禮不能兼遂定十月朔

頒歷

是月安南以八萬人侵滿刺伽

九月丁卯夜月星犯井

大理寺左少卿劉慶卒直隸新城人貢士授御史

辛酉貴州黑黑苗齊梁等作叛命起致仕播州宣慰使楊輝

會兵討之

壬戌中書舍人黎昊降貴州布政使照磨先是奏誥勅除文

臣外多錄舊文又南京織造近不如法乞完其不堪者遂下

獄謫

甲子立罕東左衛于沙州令只克仍襲都指揮使統之

夜月犯壘壁西星

乙丑前巡撫四川右副都御史夏瑱卒瑱字宗成台州人景

泰辛未進士授御史有風采歷官剛潔不屈

夜火星犯靈臺上星

國權 成化十五年

丁卯巡撫湖廣左副都御史劉敷致仕

庚午遼山西守備都指揮郭瑄按察副使蔡璘保德知州劉

昌以保德十二年來回被火焚積芻百四十八萬束也

夜月犯天囷星

辛未湖廣左布政使吳誠為右副都御史巡撫湖廣

壬申遼府衡山王貴斌薨年五十九謚恭惠

癸亥南京河道

甲戌以風變命南京守備成國公朱儀祭告孝陵

乙亥夜月犯天罇上星

丙子增代子成鍊歲祿米千石供脩邸之費

無錫常熟地震夜大星自天困流近濁

戊寅賜錦衣帶俸指揮使萬通兩淮餘鹽五千引從其請也

庚辰傳陞禪師結幹領占為國師

刑科給事中趙良以汪直劾其輕浮謫蘆山知縣時禮科

給事中王坦覲其位令鄉人尚書尹旻學士劉瑚啖之

前南京兵部尚書兼太理寺卿程信卒信字方實休寧人世


戍河間正統壬戌進士授吏科給事中景帝初城守言事

剴切遷山東右叅政憂去起補四川天順初遷太僕卿明年

國權

成化十五年

十五



拜左僉都御史巡撫遼東被劾調太僕少卿踰年進刑部右
侍郎憂去起兵部左侍郎歷尚書征山都掌蠻平之加大理
寺卿歷著功性强懷好勝年六十三贈太子少保謚襄毅
夜金星犯天江

安昌國王黎灝遣將東正率兵六萬復攻老撾敗歸死者二
萬餘人

辛巳夜木星守井宿


十月癸未朔宣免府屯租
乙酉南京鴻臚寺卿袁愷為南京光祿寺卿

緬甸宣慰使卜刺浪等求孟養地不許

夜大星自外屏流近濁

駙馬都尉石璟卒昌黎人尚順德長公主

丁亥命太監汪直監督軍務撫寧侯朱永為靖海將軍總兵
官討建州女直巡撫遼東右副都御史陳鉞叅贊其軍鉞希
汪直意奏建州女直伏當伽不得都督欲入寇且前構海西
毛憐累犯境朝廷授都督都指揮之秩諸夷起爭致亂與其
加陞而招侮莫若討之兵部尚書余子俊請廷議于是英國
公張懋吏部尚書尹旻等乞命重臣往遼東隨機戰守蓋俱



畏直者

戊子戶科給都事中張海等上五事曰寬被灾郡縣糧草子粒諸色顏料江西尤甚宜暫停磁器曰禁外戚求討莊田奸民投獻曰各巡按錄囚矜疑曰南京兵部尚書薛達年億南京吏部左侍郎錢溥老悖戶部尚書楊鼎職業未脩工部尚書王復精力亦衰俱宜罷曰海盜屢劫福建交趾屢犯雲南乞暫遣大臣巡視福建命都御史巡撫雲南上令被災者酌免磁器不必停止餘行之楊鼎等俱留任福建巡視雲南巡撫俱不設

辛卯運五萬金于遼東脩邊儲

蠲大同軍士孳牧馬


夜月犯壘壁陣西星

癸巳太子少保戶部尚書楊鼎致仕勅賜月廩二石役四人命直隸管屯按察僉事兼審獄

丙申命朝鮮國王李娐出兵夾擊建州女直

巳亥夜月犯畢宿

庚子禁游惰監察御史陳鼎言自成化二年至十二年共度僧道十四萬五千餘人此輩游食多奸盜也



夜金星犯南斗魁第三星月犯天高星
丁未徙延綏定邊營于中山坡初余子俊以定邊營平曠難
守宜退徙中山坡其後都御史丁川復仍舊巡按御史李敬
言開疆展土乃為國之圖退地立城豈守邊之策至是子俊
申其說從之
己酉命陳鉞叅贊東征軍務初建州之役始于鉞而左都御
史王越亦覬之余子俊惡啟衅既汪直朱永將兵不及鉞
疑子俊所阻回言不可無文臣總督蓋自薦也子俊上言令
其協濟云

庚戌翰林侍講李永通為侍講學士
傳陞僧繼曉僧綱司左覺義以邪術進也
都督僉事葉春卒

辛亥永平地震夜金星犯天狗星

壬子進工部郎中楊恭通政司右通政仍管北河

安南以八百人越雲南蒙自縣駐營鎮守錢能以聞

閏十月癸丑朔把麻奔等襲罕東赤斤衛都督僉事等有差


乙卯工科右給事中韓文為湖廣布政司右叅議提督太和

山宮觀

國權

成化十五年

十八



辛酉宜興大水

癸亥增甘肅布政司管糧叅議

丙寅雲南按察副使陳騏忤太監錢能意回錢鎮撫俞銓誣

奏而擠之云通巡按御史陳斌遣刑部員外郎徐霖等勘上

戊銓廣西侯斌代還訊騏如律

戊辰夜月犯鬼宿

辛未華王陽申銓及鎮國將軍申鈿以居喪貪淫互訐奏並

奪爵

壬申汪直等值建州貢使哈速郎禿等四十人縛之且言建

州三衛法當殄滅詔拘郎禿等于邊直械送京師

甲戌命毀見行條例巡撫尚書王恕言大明律九四百六十

條近坊刻大明律後有會定見行律一百八條不知出何時

有新進之士從之


乙亥夜大星自畢流天苑四小星隨之

丙子傳陞大慈恩寺國師乳奴班丹為灌頂大國師覺義綽

吉堅參為國師大隆善護國寺灌頂大國師班卓兒藏卜為

佛子國師著乩領占為灌頂國師其以傳奉得官者四人

丁丑 皇五子祐柁生母德妃張氏出



戊申夜月犯鍵閉星

安南黎灝親率兵九萬至老撾為滿刺伽所邀死亡二萬灝
慚致疾十二月還

十一月丙戌吏科給事中王瑞請各布按司官入朝各言事毋

緘默上以疏字不謹廷杖

逮廣西按察使張黼以入覲回里久不赴也免官

癸巳增南京刑部廣東司主事一人

甲午夜月犯畢宿

丁酉夜月犯天罇星

戊戌曉月食初欽天監夏官正胡璟等奏月未入見食一分

已食不見食一分令辰刻食既署監事太常寺卿童軒言

其泥古不能脩改上宥之

丁未增天地壇祠祭署祀丞

築寧夏沿河邊牆

朱永等上捷云五路出撫順關半月抵其境擒斬六百九十

五級俘獲四百八十二人破四百五十餘寨其奏捷舍人李


珍監生陳澍俱授錦衣衛百戶珍太監李榮侄澍陳鉞子也

仍勅勞永等是役也掩殺建州貢夷六十人出不意入建州

國權

成化十五年

二十



建州夷悉逃匿直殺擄老弱火其廬帳掘骷髏為功

已酉行人鄧康楊慎俞振才太常寺博士張稷知縣朱洪閣

仲字李隆陳嘉謨高輔陸愈于璧為監察御史

太傅會昌侯孫繼宗卒贈鄴國公謚榮襄 孝恭章皇后兄

也謹厚無他能國朝外戚不預政 上即位繼宗始總督團

營晚見攻終春禮不替年八十五

是月傳奉官十七人

十二月壬子朔御史許進以各省鄉試較闈不精乞如兩京例

翰林主試不許

乙卯前南京吏部尚書崔恭卒廣宗人字允讓正統丙辰進

士授戶部主事薦守萊州有惠愛景泰中進湖廣右布政坦

厚靖守不為矯飾其為政務大體尤親善士年七十一贈太

子少保謚莊敏

乙丑左春坊左贊善張昇為左諭德

免成都叙州灾租三十一萬六千五百四十餘石

丁卯四川叙州府奏白羅、翠子與都掌大壩夷相攻禮部


右侍郎周洪謨上言臣叙人也叙之夷情臣固知之戎洪筠

高四縣宋元皆立土官羈縻之國朝設流官不諳民情苛刻

國權

成化十五年

五




激變洪武永樂宣德正統間四命將旋服旋叛景泰初勢益甚得漢人縛之于獄射之曰尔害我父久矣天順成化間屢叛臣嘗言勦之不能撫之不從惟立土官為久治諸夷欣服都御史汪浩倖功誣殺所保土官及寨主二百七十餘人又諸夷怨叛尚書程信大兵僅克之臣云雖不能如前代設總管府長官司亦宜設冠帶把事分撫各寨則夷不仇漢矣又曰羅、者相傳廣西流夷有衆數千無統屬景泰初糾戎瑛夷人攻破長寧等九縣又擾侵都掌其居峭險既難剪滅亦宜立長官司治之改隸芒部羿子者永寧宣撫所轄宜立二

長官司兵部議從之

辛夷進坐營都指揮使馬俊楊玉為署都督僉事都指揮僉事阮興為署都指揮同知指揮使馬能指揮同知吳儼為署都指揮僉事汪直朱永等薦之

辛未錄建州功太子太保撫寧侯朱永進保國公世秩汪直加歲祿三十六石章朗十二石陳鉞進右都御史領兵官右監丞蘭榮都督同知馬儀都督僉事白金緱謙王錯白瑜都指揮同知崔勝周俊署都指揮使吳瓚指揮使韓斌俱進一級總理糧儲戶部郎中王宗彞為太僕寺少卿陞千餘人賞



千五百四人餘陞賞有差是年遼餉之積倉儲滿盈為直一空

四川按察僉事戴省為副使整飭松潘兵備

給提督廣東市舶提舉司太監常眷均徭餘三十人

壬申免崇明夏稅六千八百五十餘石

甲戌孔鏞章格服滿補廣東雲南按察副使

免湖廣武昌漢陽黃岳長沙衡辰常德災租七十萬八千六

百餘石

乙亥禮部尚書鄒幹工部尚書王復南京工部尚書薛遠俱

致仕勅賜廩役

巡撫遼東陳鉞為戶部尚書署通政司太子少保工部尚書

張文質改禮部尚書工部右侍郎劉昭為尚書左通政何琮

為通政使

江西旱災免田租百八十萬八千九百九十餘石仍截漕三

十萬石止徵糧六錢

丙子金星晝見

巡撫甘肅右僉都御史王濬憂去


丁丑南京戶部尚書陳俊改南京兵部尚書順天府尹胡睿

為工部右侍郎太僕少卿王宗彞為右僉都御史巡撫遼東

國權

成化十五年

三



復南京五城兵馬司副指揮

戊寅隆慶長公主薨下嫁駙馬都尉

年二十五

兵部右侍郎李敏言臣縣襄城南紫雲山書舍臣往年浙江

按察使守制講學地也賜名紫雲書院

已卯晉王鍾鉉為世孫表榮乞翼善冠許之不為例

是年始許土官納穀備賑

國權

成化十六年庚子

正月壬午朔夜火犯房宿

戊子光祿寺卿侯瓚為左僉都御史巡撫甘肅

禁雲南邊境軍民通夷

已丑順天府丞設綸為府尹


庚寅戶科都給事中張海御史楊守隨為順天應天府丞

辛卯曉刻雨大冰

國權

成化十六年

一



甲午 上南郊

丁酉命太監汪直監督軍務兵部尚書王越提督軍務保國
公朱永為平 將軍總兵官率京營萬人赴延綏防 時延
綏太監張選報 渡河謀入寇閣議戒飭邊備不宜輕兵余
子俊伺直等意下廷議先伐其謀叅將官皆令直推舉王等
越不與建州功故說直西征朱永趨南路越直由宣大會于

榆林

戊戌總督兩廣朱英報田州知州岑傅為頭目王明所逐走
思明府知府岑鏐思城州知州岑欽誅王明盡殺其黨宜勅

勦從之

庚子戶部右侍郎閻本郎中馬孝祖理陝西軍餉

辛丑曉刻月犯罰星

免鳳陽去年田租


命宣府副總兵江山游擊將軍關斌大同叅將周璽游擊將
軍李鎬偏頭關都指揮支玉寧夏總兵官神英靖 固原叅
將田廣甘肅副總兵官康永李俊陝西署都督同知白玘各
領三萬人從西延綏

癸卯吏部左侍郎黃鎬為南京戶部尚書

國權

成化十六年

二




戊申太子太保兵部尚書王越奏西征馬萬六千四百尚虛
乞選民間馬二萬從之
兵科給事中孫博上言六事曰集歷代所納諫章曰刊累朝
條例曰東西二廠緝事旂校多毛舉細故以中復大臣旂校
故廝役之徒大臣則股肱之任豈廝役可信及過股肱縱其
皆公已非美事一或失實所損寔多曰鑄錢折俸曰通州陸
運上不憚汪直聞其涉西廠也面詰之仍奏令西征紀功
人為危之
已酉命脩泗國公耿再成墓初遺之

庚戌署鴻臚寺事禮部右侍郎施純為尚書仍署寺如故
斬建州夷人哈速等五人成郎禿等七十四人于兩廣初汪
直誘之入貢至海州見大軍駭遁伴送者追之見殺官軍襲
獲之獄上
是月卜犯大同甯子溝等處游擊李鎬禦之斬一級西路叅
將盧欽斬二十八級

二月辛丑朔詔天下過天廟門俱下馬

甲寅潘王佶焯惡潞州知州蔣容誣奏之不實 上戒諭王
調容潼川州



丙辰泉州地大震

戊午免潞城縣去年田租
二月月犯西咸星

己未尚衣監太監姜玉支兩淮餘鹽二萬引詔定直九錢

海西弗提衛野人女直都督帖色古來朝卒命還其喪
工部右侍郎胡睿提督官軍脩京城

庚申命寧夏守臣發兵五百守慶王墓以慶懷王遂壘墓常

州蠶山去寧夏三百里係沙漠故護之
辛酉巡按陝西御史李敬劾右僉都御史屠滂不法疏不報

而西廠摘敬先託疾不朝謫貴州查城駙丞


壬戌脩孝陵

癸亥寧夏地震

甲子貴州征苗開中雲南白鹽井并四川鹽課共十七萬五
千七百餘引

丁卯逮河間知府滕佐等御用監太監陳善道河間佐等方
賑飢不及供帳見劾也

戊辰後軍都督同知馮昇役卒萬二千人脩朝天宮
夜大星自昴宿流井



壬申朝鮮獻建州捷云陪臣右贊成魚有沼等兵至滿浦鎮
江失期而左叅政尹弼商節度使金嶠等渡江擊斬十六人
汪直王越帥甲士二萬一千有奇出大同孤店關夜行晝伏
停兩京浙江刷卷御史以歲飢也
甲戌扶風縣義官王金挾邪術刑部治罪發為編氓餘倣此
毋得冠帶


乙亥戒諸王及儀賓赴京陳情

朝鮮俘建州夷婦十人下浣衣局

丁丑戶部請畿內停徵寬馬政薄征徭 上許停徵餘議之

命戶部郎中冀綺林同賑保定河間
前南雲按察僉事張寬初從徃荆襄濫殺及家居鄉人訴其
不法撫治鄖陽大理寺右少卿吳道宏捕之急寬令弟擊登
聞鼓許道宏挾仇下勘安置寬貴州鎮遠道宏奪月俸
汪直王越至猫兒庄分數道值大風雨雪忽進黎明距威寧
海子不數里下猶不覺掩擊擒幼男女百七十一人斬四百
三十七級獲旂纛十三馬七千八十五駝二十一牛百七十
六羊五千一百弓甲等萬計

戊寅賜故右都督王鎮妻歐氏兩淮鹽二萬引



昏刻大星自天紀流亢宿

已卯遠太監鄭同姜玉勅獎朝鮮國王李娣

懷寧侯孫輔卒

庚辰脩孔廟

三月辛巳朔脩天地壇增卒七千六百五十人

壬午巡撫陝西右副都御史程宗夏去

甲申增四川嘉定等州縣判官主簿各一專撫民捕盜

曉刻火星犯天江

丙戌汪直等報捷勅勞之報捷人錦衣副千戶汪鈺為指揮

僉事百戶王時為正千戶

鈺直養子
時王越子

越說直襲咸寧海子

斬獲其老幼婦女而還朱永不預也以勅騎二萬

丁亥汪直王越等班師乘馬風雪掩之狼狽出戰遂破之

斬四百三十七級俘男婦百七十馬駝牛羊數千甲仗萬餘


朱永不預也

丁亥汪直王越等班師

戊子增兵部職方司郎中一人

諭戶部恤畿內山東光祿寺一應派納減省之并求善策

己丑南膳太監徐英乞儀真餘益二萬餘引戶部尚書陳鉞



言勿開例上然之

遼下殺臺卒守備都指揮魯寧指揮楊茂達擊之斬七級

禁盜伐園陵樹

庚寅張瓚嗣惠安伯 張瑛庶長子

甲午夜大星自紫微東藩流閣道

乙未岷王音堃薨年四十九謚曰順

戊戌加汪直歲祿四十八石封王越威寧伯世襲仍太子太

保左都御史提督團營

增蕃牧所養牛軍百人

武義縣大風雹

己亥山東左布政使阮勤為右副都御史巡撫陝西

辛丑朵顏三衛夷人二千騎至河身營墻外乞益米守邊指

揮金以寧等令百戶劉昇誘十一人舍騎捐弓矢入而飯之

盡殺焉乃聲砲報警指揮王瑾引兵至不見乃分級上功

癸卯久旱命英國公張懋襄城侯李瑾定西侯蔣琬祭告郊

社山川


廣西太平府地震

甲辰琉球國王尚真表謝

國權

成化十六年

七



錄威寧功吏卒二萬八百餘人陞二千九百八十六人賞萬
七千九百二人兵科給事中孫搏為 按察僉事蓋憚汪
直曲狗之

乙巳發太倉米三十萬石平糶仍預給在京吏俸三月

丁未鄜城臨穎地震有聲

己酉後軍都督僉事朱鑑為大同游擊將軍

庚戌大星自氏宿流近濁

四月^{壬子}封見瀛淮世子見潭都昌王見沔棗陽王音墊江川王
雲南巨津州金沙江北白石雪山高三四百丈忽断裂里許

夾岸相待山上草木不動填流三日壞禾黍已漸聞

丙辰劉璇嗣廣寧伯 劉安子

己未兵部上奏字悞尚書余子俊侍郎張鵬李敏各停月俸

武選郎中宋欽鄒襲員外郎朱紳主事彭綱下錦衣獄

庚申前兵部左侍郎滕昭卒汝州人貢士授御史歷官勤慎

平 將軍保國公朱永自延綏入朝初時馬萬七千餘匹還

失五千餘匹道費亡筭


辛酉琉球請歲貢不許

義烏縣大風

國權

成化十六年

八



壬戌刑科都給事中王坦等言救荒重大辟重詞訟伸冤抑

防盜賊遵律例 上採行之

甲子嚴馬政之禁

己巳兵部言建州女直欲犯邊報前怨命備之

庚午知縣何玘劉綸朱欽褚祚宋德周洪俞俊陳政李勤魏

璋王弁孟俊黃熒田裡何靜王璟劉鳳翔吳文度劉銘為試

監察御史

辛未居哈密四百人于苦峪城給牛種

斬逆 卯斤于市犯大同被獲者

壬申彭城伯張瑾卒

癸酉整飭薊鎮兼巡撫順天右僉都御史汪霖卒六安州人

景泰甲戌進士其撫畿內多徇汪直

五月庚辰朔始令分守莊浪署都督同知魯鑑充左叅將兼守


西寧

丙戌晉府雲邱王姜塢薨年四十謚簡靖

丁亥孫鎮嗣會昌侯

戊子福建左布政使李田為右副都御史整飭薊州永平山

海邊備兼巡撫順天



武義縣大水

庚寅福建右布政杜謙為順天府尹

東光縣官庄畝徵糧二千科道官言天子四海為家何必庄

田東光之民失土地矣賦歛比之公田數及三倍民困如此

非死即徙非徙即盜耳命畝徵五升三合五勺如墾荒例

壬辰禮部右侍郎周洪謨上所纂辨疑錄三卷言五經四書

之悞乞特勅儒臣考訂 上以紛更寢之

己亥 上以朝臣數少命鴻臚寺錦衣衛點視凡六百三十

四人不至 上宥之

庚子吏部右侍郎耿裕為左侍郎

禁民人攬納稅糧

命天下鹽運司提舉司銀悉入京庫從巡鹽御史楊澄之言

癸卯巡撫湖廣右副都御史吳誠改雲南山西左布政使白

行順為右副都御史巡撫湖廣

丙午鎮守雲南太監錢能還南京以陝西太監覃平代之能

啟蚌滇南自知不容回乞還四月以來貴州陳蒙澗土官長


官司諸苗糾九姓豐字并廣西荔波茅賊攻毋投茅寨殺掠

六月庚戌朔免隴西縣及鞏昌等衛田租

國權

成化十六年


十



辛亥刑科都給事中王坦等言戶部郎中張坦叔等往靜海
縣按外戚錦衣指揮王源占田民且得其狀初受賜止二十
七頃今吞至千二百二十頃有奇事下御史劉喬竟徇情欺
罔請治喬罪上宥之
癸丑工部右侍郎王詔致仕右侍郎劉詔為左侍郎
晉府永和王竒清母妃張氏有佚行計殺儀賓陳諫事聞斬
淫者
禁貴戚世家侵占民田
己未湖廣故平江知縣宋鑑逐寇死贈岳州通判典史張澄

贈主簿

庚申治松潘失律罪四川都指揮徐旻等降罰有差
前工部右侍郎李顯卒博羅人正統丙辰進士居官有政聲
癸亥置四川海棠坪守禦千戶所
甲子夜月犯井宿
己巳大星自昴宿流井
壬申曉刻金木星相犯
乙亥戶部右侍郎闕本卒本邠州人景泰甲戌進士
都督僉事王剛卒江都人世大同左衛指揮同知



丁丑昭妣王氏薨年三十謚端榮

是月福建長樂縣昆由里浦山忽高三四尺

七月己卯朔享太廟右通政趙侃失班下獄御史劉瓚許進不

糾各杖二十還秩

甲申國子祭酒費閻歸省

乙酉禁官舟私載漏稅順天府治天中李鼎言之

丁亥初巡按遼東監察御史強珍奏建州班師亡何卞即入

四入薊陽清河殺掠男婦五百餘人畜亡案由前巡撫陳鉞啟衅邀

功致其報復諸守不能禦卻之又畏罪貪功隱匿不聞至朝

廷論功陸賞陳鉞回京始入奏請逮問欺罔用正厥罪兵部

尚書余子俊等覆奏引 祖訓叅鉞累犯死罪不宜再宿當

從珍言 上命守將吳瓚崔勝戴罪自効鎮守太監常朗停

俸半年總兵都督維謙與鉞各停歲俸餘皆屬珍逮問之兵

科都給事中吳原御史許進亦劾太監常朗等冒功匿罪雖

已傳俸尚宜重論其劾陳鉞為黃潛善賈似道之流 上曰

已有旨俄汪直自遼東還奏珍行事乖方所參被掠人畜皆


妄遂命錦衣千戶蕭聚往勘若不寔即械入京訊之

築鳳陽外城

國權

成化十六年

十一



翰林侍講彭教卒教字敷五吉水人 甲申進士第一授

脩撰進侍講博通群籍善屬文頗尚氣不肯下人年四十二

戊子司經局洗馬羅璟侍講李東陽主試應天

丙申定文武官吏俸糧折布例黃善買心並之赤

木星晝見

丁酉賞府谷諸生蘭善同兄繼斬十一級各給絹二匹

遣御史同太兩京太僕寺官印馬以兩京山東河南歲荒不

遣列侯內臣

已亥免望江田縣租

前應天府尹王弼卒鄱陽人宣德癸丑進士

庚子裁山西行太僕寺少卿一人

戶部員外郎林同請停保定等府運員從之

辛丑曉刺月犯天關星


乙巳前巡撫甘肅左僉都御史王朝遠卒進賢人景泰甲辰

進士授御史有聲喜于事功

巡撫河南右副都御史李衍為戶部右侍郎巡撫宣府右僉

都御史張頤為工部右侍郎工部右侍郎胡睿為左侍郎

數百騎犯撫順境都指揮羅雄戰中流矢甲卒傷四十人



命萊州折徵布花仍本色

卜屢入宣府郭鐘調兵遣之九月丙申回

瓊山縣大疫

庚戌卜數百騎犯鎮蕃衛殺掠六十三人

八月壬子國子祭酒邱濬加禮部右侍郎

癸丑翰林侍講學士楊守陳右春坊右諭德陸簡主試順天

甲寅通政司右叅議郭鐘為右僉都御史巡撫宣府

乙卯免福泉漳興化去年田租十一萬六千二百餘石

夜大星自中天流近濁

丁巳越舊衛地震聲如雷壬戌復震

辛酉申存恤孤老之令

哈密夷人訴赤斤衛首累見掠甘肅叅將劉誠遣撫夷千戶

董和等十九人往諭至赤斤界見殺

令浙江戶口鹽鈔折米給官軍俸糧

丙寅晉府陽曲王美堯薨年七十三謚榮靖

丁卯夜月犯畢宿


己巳前工部左侍郎王詔卒衡陽人正統壬戌進士

癸酉御史強珍成遼東蕭聚至遼東不能有所勘但械強珍

國權

成化十六年

古



入京汪直先拷掠之後以聞命廷鞫坐奏事不實贖杖還秩
中旨遠戍時論不平尋以兵部科道官先嘗妄劾陳鉞及都
察院奏遣強珍不當俱令回奏皆引罪 上責左都御史王
越不謹姑宥之兵部科道官各停俸三月鉞舊所停免之
乙亥賜太監梁芳儀真餘蓋三萬引
蘇門答刺國入貢
鬱林州瓊山縣地震有聲

九月己卯昏刻大星自牛宿流斗宿七小星隨之

庚辰禮部左侍郎俞欽憂去

壬午免河南夏稅


丙戌申刻夜大星流建寧東北聲如雷

戊子曉刻大星自弧矢流雲中

庚寅金華各縣地震

甲午罷兩淮運鹽司新設副使判官及令商人引鈔折銀
夜大星自紫微西藩流近濁

乙未命汪直監軍保國公朱永總兵威寧伯王越提督軍務
往遼東備 初遼東報警議出師于是太監傅真領神槍都
督白瑜李俊充左右叅將莊鑑馬俊充游擊將軍領萬騎往



戶部郎中馬孝祖仍督糧餉而報犯大同命太監劉恒監軍定西侯蔣琬總兵都御史孫洪叅贊軍務太監張善領神槍白金充叅將楊玉充游擊將軍仍令都督馬昇劉能各三千人往山海關直抵居庸協將未行而罷

大同下獲我擊卒令還云勿通我朵顏三衛否則至冬仍犯丙申封恩鑄遠王見淑襄世子見滂陽山王祐榕德世子祐

穗泰安王聰潛和川王

丁酉夜月犯井宿

戊戌禮部右侍郎用洪謨為左侍郎翰林學士謝一夔為禮

部右侍郎

辛丑威州地震有雷

癸卯夜大星自婁宿流霹靂旁

乙巳 軍右都督陳昭卒巴陵人

十月丁未汪直同傅恭劉恒于神機營把總仍提督十二營

癸丑昏刻月犯壘壁陣

乙卯少詹事徐傳為太常寺卿


開中河東餘鹽十萬引于蘇鎮

丙辰南京御史徐完等劾尚書陳鉞 上不問奪俸半年

國權

成化十六年

去



己未編脩尹龍為侍講檢討張泰為脩撰

壬戌曉刻月犯六諸王星

乙丑傳陞高士戚道珩為真人左正一王道昌為高士

夜月犯天樽星

丙寅晉府方山王鍾錠老無子以夫人張氏女與外家易男

賜名竒濛至是事覺張氏竒濛賜死鍾錠奪爵并削鎮國將

軍鍾錠封號

慶成王府鎮國將軍鍾鎰竒澗竒激有罪革秩餘奪俸

丁卯僧錄司左覺義繼曉賈護勅至湖廣九峰等處乞乘傳

許之

戊辰夜火星犯壘壁陣

辛未蕪湖人張禮先後捕盜二百餘人授九品散官仍捕盜

十一月庚辰昏刻月犯秦星


壬午巡撫雲南右副都御史吳誠報安南人攻破老撾宣慰

司令欲攻八百乞遣官諭止之命移檄黎灝以狀上

甲申徐盛嗣興安伯

徐賢子

巡撫陝西右僉都御史秦紘改河南秦府旗尉橫若民紘捕
論不貸秦王怒誣奏紘逮下獄命內臣尚亨籍其家僅絹一



匹故衣數事享太息以聞 上嗟嘆良友曰紘官不小貧至
是乎立釋之賜鈔萬貫命巡撫河南紘至鎮會汪直以事至
不加禮更奏其多帶旗尉駟騷郡縣直還首稱紘 上出疏
示直直頓首謝益見信于上
袁表曰秦公挺 守正不撓能使汪直稱其賢此非誠服
其心爾耶
丙戌總督朱英征叛獠撞自靈山石隆等分道進師蓋自正
月獠數掠梧州
已丑夜月犯畢宿

壬辰湖廣左布政使何喬新為右副都御史提督鴈門等關
巡撫山西
泰寧侯陳桓鎮遠侯顧溥武安侯鄭英恭順侯吳鑑崇信伯
費淮懷柔伯施鑑領五軍等營桓左掖溥右掖英左哨鑑右
哨淮大營施鑑團子手營
夜月食

癸巳申革閩支戶口食益積弊


乙未逮京操逃軍七千二百餘人

丁酉魯王陽鑄有罪奪祿三之二及妃張氏封號

國權

成化十六年

六



辛丑入大同威遠等墩西路叅將盧欽等邊斬十級

壬寅夜月犯東咸星

癸卯免順德府田租

韓府輔國將軍徵饑早天聘杜氏女守志不嫁勅旌之

乙巳會寧縣地震

十二月丙午朔免長垣縣田租

壬子免廣平通租

戊午協同守備南京豐城侯李勇疾甚改脩武伯沈煜

庚申入大同威遠衛

辛酉河南道御史陳斌巡按雲南劾校言其枉法納賄下之

獄安置威遠

癸亥知縣劉忠器羅贊程春震謝綱為試監察御史

初太監鄭同還朝鮮陪臣許熙送之道開州建州夷二千餘

騎掠從卒二十餘人馬二百三十餘匹蓋忘其往者助兵也

詔賜熙金幣

庶吉士梁儲張濬楊傑教山劉忠于材徐鵬鄧煥馬廷用為


編脩劉機楊廷和楊時暢武衛為檢討陳璫汪藻王珣張九

功孫珪張璞林霄劉允中為給事中荆茂李經謝文俛進為

國權

成化十六年

九



監察御史

丙寅進朱永太子太傅益祿三百石賜誥券

卜入大同命汪直監軍朱永為平卜將軍總兵官王越提督

軍務太監傅熹領神槍往擊之卜進大同直越即遣遊擊朱

鑑副總兵孫鉞各三千人往范瑾等四千人繼進

孫泰嗣懷寧侯

孫輔子

丁卯張信嗣彭城伯

張瑾子

增貴州布政使右叅政

庚午順義伯羅秉忠卒秉忠沙河衛都督因即來之子有征

貴州苗功封流祿千石賜祭塋謚榮壯子珍錦衣衛指揮使

帶俸

壬申御史陳遵覈餉貴州失完謫遂平知縣

甲戌會昌侯孫鎮以犯英廟諱更名銘


朱寧兵駐鬱林洛容等境分斬賊二千八十九級擒六百五

十九人

海賊出沒饒平縣殺黃巡檢潮州知府吳繹思擊斬五十

岡

八人



國權

蓋官設遷孺木著

成化十七年辛丑

正月丁丑開城縣地震

戊寅吏部大計罷斥千九百九人

巳卯夜木星犯鬼宿

壬午傳陞太常寺卿劉岌為禮部左侍郎少卿朱福銘為寺

卿寺丞朱玘丁永中俱少卿福銘永中樂武生玘廟祝

甲申昏刻月犯畢宿


國權

成化十七年

一

國權
 蓋官設遷孺木著
 成化十七年辛丑
 正月丁丑開城縣地震
 戊寅吏部大計罷斥千九百九人
 巳卯夜木星犯鬼宿
 壬午傳陞太常寺卿劉岌為禮部左侍郎少卿朱福銘為寺卿寺丞朱玘丁永中俱少卿福銘永中樂武生玘廟祝
 甲申昏刻月犯畢宿

國家圖書館, NATIONAL CENTRAL LIBRARY, TAIWAN, R.O.C.



丙戌 上南郊

乙未奪慶府真寧王遂埔歲祿三之一

丙申兵部尚書余子俊憂去

戊戌禮部尚書張文質憂去

保定侯梁傳卒

甲辰夜大星自紫微西垣流角宿

二月戊申傳陞儒陞士華岳用幹陳嶽張伸董昂歐陽鈇孫完

覃贊劉謙陳清劉瓚俱冠帶中書科辦事時內官各寫道書

詞說輒沾恩典

庚戌免浙西屯租

辛亥太常寺卿兼翰林學士徐濬溥少詹事兼翰林學士王

獻主禮閣

南京太常寺少卿夏瑄卒瑄尚書原吉子善議論能文年六

十四賜祭子崇文進士

甲寅應天鳳陽淮安揚廬和克開封地震

丁巳提督上林苑海子太監蔣琮乞脩海子行殿從之命錦


衣衛孫贊同提督軍匠

戊午禁私錢

國權

成化十七年

二



已未土星犯進賢星

庚申雲南提督銀場布政使叅議金醞改理黑白安寧等井
鹽法

旌寬河衛千戶王忠及妻岳氏義節

辛酉免山西去年灾租

壬戌國子監丞祝瀾請改天下文廟木主時謂其妄謫雲南
廣西府經歷

丁卯昏刺金星犯太陰上星

免應天徽池寧國太平廣德災麥七萬七千二百九十餘石

庚午戶部尚書陳鉞改兵部尚書總督糧儲戶部尚書翁世

資署戶部左侍郎殷謙禮部左侍郎周洪謨俱為尚書謙總

督糧儲太常寺卿徐溥為禮部左侍郎

巡撫雲南吳誠請上官應襲子弟隸儒學從之

甲戌特賜太常寺少卿顧玘父母告身并諭祭其母

三月丙子南京總督糧儲右副都御史潘榮為戶部左侍郎南

南大理寺右少卿白昂為南京左僉都御史兼督操江


丁丑錦衣衛囚逸

戊寅徽王見沛之國鈞州

國權

成化十七年

三



庚辰昏刻火星犯昴宿

癸未金星晝見

甲申南京光祿寺卿袁愷為南京右副都御史總督糧儲

丙戌免山東去年田租

戊子策貢士趙寬等二百九十八人賜王華等進士及第出身有差是科梅純駙馬都尉殷孫授定遠知縣自免龔孝陵

衛指揮僉事終中都副留守

辛卯論大同功初報捷錦衣指揮使汪鈺為都指揮同知指揮同知王時為都指揮僉事至是益汪直歲米三百石朱永

世保國公王越進太子太傅益祿四百石領前軍都督府事
總五軍營兵提督團營太監傅惠加米十二石帝正世錦衣
百戶右叅將都督僉事李俊為署都督同知左叅將都指揮
同知周壘為都指揮使遊擊將軍署都指揮僉事馬俊為都
督僉事副總兵都指揮使江山為署都督僉事凡陞賞萬七
千七百五十一人直獻俘僅十人皆孱弱時不能詰邊境騷
然公私困竭


甲午昏刻木星入鬼宿

乙未賜內官陳昱定興田二百九十餘頃

國權

成化十七年

四



上林苑監事汪憲以醫從軍改錦衣衛試百戶帶俸

丁酉進新寧伯祐譚太子太保

申刻日赤如赭

戊戌傳陞右副都御史戴縉為右都御史右僉都御史屠滂
為左僉都御史

設山西平_上衛汪直言自大同威遠城至老營堡宜分成也

己亥巡撫河南秦紘改宣府巡撫宣府郭鏗改大同巡撫大

同孫洪改河南

大同總兵官范瑾為左都督都督同知孫鉞為右都督都督

僉事盧欽朱鑑為都督同知皆失律以汪直報捷及之

庚子昏刻木星犯鬼宿積尸氣

辛丑蒯祥卒祥吳人木工也累官營繕所丞太僕少卿工部

左侍郎雖貴不改常至老猶執帚引指使工作年八十四賜


祭葬

是月旱恒風

四月丁未署太醫院左通政蔣宗武乞原籍官地為業予之戶

科都給事中劉昂等劾宗武猥以末技攘取顯官請求亡厭

乞收前命上曰已賜矣毋擾



戊午御史黃傑等言十事各都給事中盛寶等言十一事

上並是之

乙卯巡撫河南左副都御史孫洪加右都御史

丙辰方壽祥嗣南和伯方毅子

同州地震有聲

己未夜月犯東咸星

庚申諭各大臣脩省

辛酉辰刻日生左右珥色赤黃

壬戌岐陽王邃塤進封慶王見浪信陽王觀鍊建安王

戊辰太監懷恩同法司錄囚

癸酉軍都督同知沐瓚卒瓚黔寧王曾孫善騎射在鎮二

十餘年能令終微黷貨

五月丙子吏科都給事中董旻等下錦衣獄時辦事吏王冠乞

歲量月如監生旻惡之叅送法司冠不伏計奏旻及給事中

王瑞張雄張晟多占吏又謫通政使何琮右通政王景不即

進右叅議劉英泄其事謫旻石舊知縣英欽州知州餘停祿


三月

庚辰減浙江泰順縣銀課

國權

成化十七年

六



乙酉代州草場又火

丁亥刑部左侍郎杜銘憂去

戊子前翰林編脩丁溥忤華亭主簿梁桂發其平昔請託

事連御史郭淳命俱訊如律並劾外郎汪文盛王表不明

庚寅薊州雨雹

壬辰太原地震

癸巳犯宣府叅將吳儼等追之出獨石山泉墩敗沒

乙未禁邊人出塞樵獵巡撫山西都御史何喬新言其猝遇

上被執多用為嚮導其桀驁不逞者如匈奴之于衛律元昊

之于張元是為邊患可勝言哉 上是之

戊戌薊州遵化地震

禮科都給事中張鐸兵科給事中蕭顯言事忤旨謫鐸漢陽

通判顯貴州鎮寧州同知時貴州同知皆裁蓋中旨以之

初吏部擬顯隴州

立宋將楊業祠于古北口關外曰靈威廟

太僕寺卿楊穉等奉俸三月初汪直立四戶馬法每匹輸二


十五金于寺自市馬定遠人致駕易良故貴之

已亥命汪直監軍王越為平胡將軍總兵官以三千人赴宣

國權

成化十七年

七



府禦下 太監傅惠領神槍都督同知都督僉事莊鑑克左右
叅將署都督僉事楊王克游擊將軍

庚子大能仁寺灌頂國師結幹領占為灌頂大國師

辛丑邊報日亟命太監劉恒監軍永來為平下 將軍總兵官

太監張善領神槍都督白金李俊為左右叅將馮儀為游擊

將軍入命太監金輔監宣府軍新寧伯譚祐總兵都督馬昇

劉能為左右叅將馬俊為游擊將軍分六道各率五千人嚴

備以待

右通政趙侃卒普定人天順甲辰進士

壬辰河州地震

詔貴州中黑白鹽井四萬七千餘引每引減米一斗

汪直至懷來奏下千餘犯宣府西路叅將孫素等戰拒之矣

定按詐得財罪


六月甲辰朔免延安灾租

薊州遵化永平遼東及寧遠衛及各地三震有聲

乙巳朝臣不至者五百九十三人上切責之

丙午 皇六子祐樞生母宸妃邵氏

興濟縣馬生二駒



御史李延壽巡按永平以撫寧知縣蔣惠與百戶榮山計奏
坐故出惠罪刑科給事中王坦趙璧以惠鄉曲私之于是謫
延壽遂溪主簿坦北流主簿璧榮經主簿

辛庚晉王鍾鉉以廣昌安僖王長孫竒湍乞嗣王爵謂非例
不許蓋安僖亡子嗣兄子鍾鉉也

壬子勅安國王黎灝以攻老撾八百書不云乎惠迪吉從南
逆凶交民亦天民也老撾民亦天民也賊天之民是逆天矣
王其深省之初安南九萬人攻哀罕進次老撾殺宣慰使刀
枝雅蘭掌父子三人其季子協雅賽依八百宣慰刀攬那遣

送景攻已灝復令車里宣慰司期次八百遠雷震死數千人
八百回扼其歸路襲殺萬人而還

甲寅司設太監王助建寺西直門外賜兩淮官鹽二萬引下
戶部尚書翁世資極言鹽課禁約之例毋開端虧邊計上
曰予引千不為例

傳陝西歲辦藥材


乙卯巡撫延綏右副都御史楊浩致仕

己未鎮守山西太監劉忠乞暫免山西柴炭命即免秋冬
丙寅太僕寺少卿呂震為右僉都巡撫延綏

國權

成化十七年

九



己巳刑部右侍郎張瑩為左侍郎陝西左布政使盛顯為右侍郎

宿州人張珍妻王氏臍右裂生子
癸酉築遼東鳳凰山等處城堡

七月壬午暫免山西應輪輸物料藥材停戶口鹽鈔十之三

丙戌南京大風雨

己丑巡撫湖廣右副都御史白行順致仕

切責宣府總兵都督同知周玉等失律

辛卯前太常寺卿兼翰林侍講學士吳節卒節字與儉安福

人宣德庚戌進士館選授編修進侍讀景泰初領南京祭酒
成化初召改太常少卿實錄成進寺卿平直無私善春秋年
八十五賜祭葬

甲午命汪直總督軍務王越為平胡將軍總兵官統京營兵
分路勦_平鎮守總兵巡撫等官聽節制
太僕寺少卿秦崇為南京光祿寺卿


乙未四川左布政使馬馴為右副都御史巡撫湖廣兼叅贊
軍務

己亥雷震郊壇東天門脊獸

國權

成化十七年

十



辛丑禮科給事中林榮行人黃乾亨往封滿刺加國王馬哈木沙

壬寅監生李春保奏故沐瓚子誠可嗣副總兵鎮守雲南上怒下錦衣獄

八月甲辰杭人請鎮守內官留巡按御史謝秉中再任從之

戊申曉刻大星流雲中

己酉旌韓府樂平王冲焚賢行

壬子命戶部左侍郎潘榮督催漕船

癸丑命右都督馮宗脩京城

監察御史林堉巡按畿內至大名按治開州知州彭經不服互訐勘上經削籍堉失實除名

乙卯總督漕運左副都御史張瓚卒孝感人正統戊辰進士

丙辰傳陞上林苑左監副李孜省為右通政使仍署監事

庚申進士陳鎮羅鑒為南京刑科給事中

辛酉安南入貢

真定教諭俞正已言歷法禮部覆劾之下錦衣獄


癸亥金星晝見夜月犯六諸王星

戊辰建州衛都督完者禿入貢初建夷劫朝鮮使者詔詰之

國權

成化十七年

十一



至是貢馬千匹謝罪

辛未曉刻月當晦不晦

行人李琨武清李昭暉王竣湯鼎太常博士何鈞知縣許斌
向翀柯忠張鼎錢永德戈宣朱瓚劉規劉瓚曹英李復貞為
試監察御史行人陳嵩黎鼎知縣朱守恕劉愷張貫蹇寔為
南京試監察御史


九月壬申朔滿刺加國使臣端亞媽刺的那查等奏成化五年

使臣入貢風漂安南被殺幼者聞之時占城國王齋亞麻勿
庵弟古來奏先王見下交吐王弟槃羅茶悅逃居勿靈請封

天使到而槃羅茶悅復為交人所下臣與兄齋亞麻勿庵竄
山中後交人以邦都郎至占臘地五所竟為王未几兄死臣
當嗣而未敢擅乞遣詔使歸我全土四府一州二十一縣東
至海南至占臘西至黎人山北至阿木喇補允三千五百餘
里不勝幸甚會安南貢使至延質兵部以往事宜釋上遂
勅諭黎瀨令返占城侵地

江南雨連月傷稼

戊寅御史于大節巡按湖廣言事頗切直留中不報密諭吏
部外之調鶴慶軍民府推官



已卯翰林編脩商良臣為侍讀

辛巳大同總兵官左都督范瑾領中府罷分守懷來參將周

俱出汪直意

壬午傳調左通政王景為太僕寺少卿景輕右通政李孜省

離流孜省密擠之

甲申封祐楮濟寧王鍾鏞陽曲王鍾鋌靈邱王

命四川行都指揮劉杲指揮使陶亨分守雅州

庚寅置四川安吉縣析銅梁遂寧之地

辛卯給烏思藏諸番及長河西魚通寧等宣慰司勅符

壬辰占城入貢訐安南侵地

丁酉詔安南王黎灝還占城地

十月癸卯賜海外諸國及西域番王勅

哈密故指揮同知亦思馬回子迷初力襲涼州衛指揮同知


甲辰免烏程歸安德清田租

己酉嚴遼東馬市之禁

甲寅慶雲伯周壽進封慶雲侯錦衣指揮使周或為都督同

知千戶周忠為指揮僉事周整周海周讓周成周浙周禮為

百戶並世襲



丙辰使占城行人右司副張瑾有罪下獄初瑾同給事中馮
義封占城國王齊亞麻勿庵多挾貨往市至廣東聞國王走
死懼空還失利亟至占城時安南立提婆苔主其國瑾等遽
授以印幣得黃金百又市滿刺加國義道死瑾上安南偽勅
見糾時占城使尚在館譯問之云古來寶王弟齊亞麻勿庵
寶疾沒而提婆苔則不知何人也


設遷曰安南克占城立提婆苔而云之國人未必帖服其
王可襲而擄也左傳介子且段印幣執之在陳湯倡國人
即幕下斬之馮義等利令智昏昧此奇貨曷足道哉矣

夜月食

壬戌傳陞道錄司右至靈鄧常恩為太常寺卿錦衣衛指揮
千百戶等官五十餘人

戊辰大隆善護國寺西天佛子班卓藏卜死命官軍千五百
人建塔治葬

十一月丙子戶部奏改長蘆運司鹽例初內帑乏命所司出新
舊鹽引一百四十萬售之每引三錢不甚售乃改三則自正
統五年至天順八年減銀八分成化元年至十二年減五分
餘如故



戊寅脩大德顯靈宮

巳卯許程蕃府歲貢土人子弟一人從知府鄧廷瓚之請

汪直王越奏上退乞班師不許

壬午皇七子祐楮生母安妃姚氏

南京左僉都御史白昂為右副都御史

甲申免大名夏麥

丙戌免萬全都司隆慶州田租

戊子取太倉三十萬金入內承運庫時賜予寢廣也

丙申右副御史戴縉清理武選貼黃

丁酉守脩紫荆關兼提督易州右少監鍾慶以易州知州李

憲慢已杖之遂許憲擅絞部民且侵帑勘官論憲死保定知

府沈純同知張奉狗情宜逮問遂下巡按御史慶不問

江南大雪雨雪

戊辰光祿寺丞楊淳為少卿典簿徐敏署正王佐為寺丞蓋

提督光祿寺太監楊鵬薦其才擬授也命不為例

十二月辛丑朔山西壽陽縣南山崩


壬寅傳改錦衣衛百戶何瑾為尚寶司丞瑾從太監陳喜導

賂獲進也

國權

成化十七年

十五



癸卯前總理兩淮左僉都御史邢宥卒宥文昌人正統戊辰
進士授御史按福建釋冤獄天順己卯守台州坐累貶晉江
丞成化初起守蘇州繩奸賑飢如左叅政尋拜今官廉介早
退士林稱之
藩府唐山王幼璫薨年四十二謚悼僖
宥鎮守山西太監劉忠罪縱舍人脅財也

永康侯徐安卒
甲辰詹事彭華兼翰林學士
戊申傅陞大隆善護國寺禪師劉石竹為國師

免寧夏田租


庚戌甘肅總兵官署都督僉事王壘為署都督同知
辛亥復雲南狼益課四千五百九十餘引

庚申故慶雲侯周能贈寧國公謚榮靖許周壽世襲
命威寧伯王越為征西前將軍鎮守大同仍直與汪直提督
京營宣府各路軍馬防下時大同總兵官孫鉞沒
癸亥定雲南戶口商稅等課鈔法三分貝七分每貝一索鈔


折鈔一貫至三貫有差


甲子孝陵神厨火

國權 成化十七年




國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.



3393407 v.24

國家圖書館, NATIONAL CENTRAL LIBRARY, TAIWAN, R.O.C.





國權

成化十八年壬寅

正月辛未勅陝西延綏寧夏甘涼鎮守等官戒嚴時有警

乙亥賜御用太監梁芳兩淮存積鹽五萬引芳最寵幸進獻

寶石奇玩糜帑無算故給鹽人為之切齒

夜月犯外屏星


丙子以陝西廣積庫茶價銀易茶給番僧

壬午 上南郊

國權

成化十八年


一



國家圖書館, NATIONAL CENTRAL LIBRARY, TAIWAN, R.O.C.



鹽官設遷孺木著



戊子發兩淮鹽價五萬金賑鳳陽淮安飢民

庚寅大學士劉吉憂去令奔喪回任乞終制不允

辛卯鬻兩淮河東鹽引給宣府邊儲

壬辰令南京糶常平倉糧救飢

南京給事中王讓予告家居夫賀萬壽占民產被訐命降謫

中軍都督僉事白玉卒

乙未翰林脩撰陸鈺為右春坊右諭德

丙申免遠東屯租九萬一千一百餘石

丁酉曉刻月犯天江星

增成固洋鳳南鄭西鄉洵陽主簿專撫民捕盜

免順天河間保定夏麥三萬三千二百餘石

戊戌傳陞內府供奉順天通判沈政為太常少卿政善畫寺

二月辛丑夜沂州地震

癸卯汪直王越使錦衣衛帶俸都指揮使汪鈺報捷進後軍

都督僉事報捷人陞都督前未有也

乙巳楚府江夏王濂雖薨年四十二謚悼順


戊申內使郭文自南京還道沛縣怒知縣馬時中不加禮榜

其子溺馬時中赴水救之起呼寃文褫時中衣繫以行色人

國權

成化十八年

二



忽譟文率舍人田福等兵擊之殺二人事下法司不敢直順

時中謫慶遠衛經歷福順抵死文下司禮監

夜月犯天街下星

庚戌右副都御史白行順卒清澗人正統戊辰進士跌宕善

議論頗持才凌物

辛亥大同飢命借軍儲倉賑之

甲寅禮部定烏思藏番王年一貢僧不過百五十人近贊三

善王連貢僧四百十三人今請封請襲又千五百五十七人

俱非例乞請封請襲各百五十人十從之

戊午旌太原知府張鼎懷慶知府倪顯衛輝知府張謙蘇州

知府劉瑀池州知府常顯黃州知府王齊衡州府同知海輔

松江府同知于準薊州知州汪溥耀州知州鄧真郟州知州

李瓚隴州同知嚴春湖湖廣布政司經歷楊紹澧州知州鮑


愷各賜誥命

夜月犯土星

己未襄王祁鏞求往封內太岳太和山祝聖壽 上止之

庚申命太監汪直總鎮宣大時京營游擊叅將等俱召還獨

留汪直王越蓋 上知其交構漸疎之也初直善越嘗泄禁



中事越以語人陳鉞聞而脅之又太監尚銘獲西內之盜
上厚賚之直聞而怒曰彼出吾門乃敢悖我自為功耶銘懼
曰以越所泄者聞上并發其交構

辛酉改午房地為倉場獐鹿房地為草場尚尚劉昭大興張
興廣寧伯劉璇董其役

乙丑命汪直專鎮守大同太監陳政鎮守延綏延綏
少監常敬鎮守寧夏令龔榮還京

戊辰京師雨土霾

三月庚午^勅巡撫蘇松應天左副都御史王恕巡撫淮揚等處右

副都副御史張瓚賑饑時南京御史李珊等疏請有訛字詞


且牽蔓命南京錦衣衛于午門前各杖二十

壬申復罷西廠科道各論其苛察紛擾大傷國體得旨朝廷
自有處分于是閣臣萬安等言當罷從之

設遷曰萬眉州至翫散也其罷西廠亦不亞商淳安矣寸
有所長雖鄙夫得不令終耶

築廣信永豐縣諸家墩烏巖山府山三堡戍守以界閩浙間
多礦盜

丁丑勅巡撫山西何喬新大同都御史郭鏗賑飢



庚辰免潼關衛夏麥

辛巳琉球入貢

癸未罷京操達道令還原衛

甲申勅都督毛倫充總兵官鎮守廣西

免順天永平田租

乙酉兵部尚書陳鉞免右軍都督馬儀奏鉞在遼東奸貪欺

罔匿俘女二人與子澍分之事各有指遂免鉞令儀閑住調

澍永平衛左所帶俸差操初上曲宴有閹阿丑優也為中

貴武裝挾雙斧琅蹌而前人問之曰我汪太監也已左右顧

其手曰吾惟仗此兩鉞耳

陳鉞王越

朱永時役兵治私第阿丑復

為楚歌者曰吾張子房能一歌而散楚兵六千人曰吾聞之

楚兵八千人何以六千曰其二千在保國府作役耳上笑

永懼而罷役

丙戌南京國子祭酒王儼為南京吏部右侍郎

庚寅山東蒲臺縣奏地鹺濕不稼不桑請改徵布從之

辛卯徐錡嗣永康侯


太常寺少卿兼司經局正字謝宇為太常寺卿仍兼官

傳陞尚寶司丞李景華任傑為司諫卿陳敷太常寺少卿嚴

國權

成化十八年

五



勳尚寶司丞餘各有差

乙未傳陞大理寺右評事張苗為太常寺丞

丙申兵部左侍郎張鵬為尚書

錦衣衛帶俸都指揮僉事萬通卒祭墓有加禮通時驟貴窮極奢侈僉人依之雜進奇技淫巧交結邀利嘗悅俞達妻美收為舍人令達中淮益通疾時聞達歸私其妻忿而死

盜殺石砭宣慰司馬澄及隸卒二人餘人焚其居

四月壬寅免慶雲藍山田租

癸卯傳陞錦衣帶俸都指揮同知萬喜為都指揮使指揮僉

事萬達為指揮使舍人萬祥為百戶帶俸百戶徐達為正千

戶校尉劉忠為百戶

甲辰琉球陪臣于子蔡等五人入南雍

丙午晉府儀賓劉欽奏東勝縣主賄鈔三萬貫祿四百石入


辭祿二百石救荒上以沽名不許

禮部請禁番僧妄請秩誥從之

辛亥免直隸永寧田租

癸丑克復哈密衛城時土魯番阿黑麻新立守臣甘肅總兵

官周壘等請乘間納罕慎于哈密徵赤斤罕東二衛兵千三



百人助之于是罕慎兵八千六百夜襲哈密城破之牙木蘭

走罕慎始歸舊城 上勅勞之

琉球中山王尚真乞時貢不許

丁巳推官楊誼蔣誼知縣劉信文貴俞深趙炯吳鈺郭深張

西銘陸淵田益徐同爰海澄陳經董復普暉張廷瑞張昂謝

寧宋宣為試監察御史

辛酉久旱命英國公張懋保國公朱永襄城侯李瑾祭告郊

社山川

行人王勉還自廣西言安南黎瀨改元擅兵宜討 上以啟

鮮下錦衣獄

南京太常寺少卿鄭環卒仁和人天順庚辰進士授編脩遷

脩撰歷馬洗南太常留妻代養母妻卒終身不娶考朝入滿

入朝卒京師性方介自守文不尚華藻在太常寮案頗不堪

然無他腸人亦不深咎也魏驥嘗遺書戒子云事 當法杭

州之鄭瑤夫庶可為人矣其見重如此所著有栗庵稿

陳善曰世之論者率多鄭公不娶事斯流俗之景星與彼


介直遠眾近于孤稜獨為文靖公所知至遺書戒子語云

萬人知之不為多一人知之不為少如鄭公者豈真孤哉

國權

成化十八年

七



壬戌傳陞錦衣百戶萬祥為副千戶

五月庚午傳陞冠帶舍人王臣為副千戶王完王釗文思院副

使姚敬百戶俱錦衣衛帶俸

辛未夜大星流雲人三小星隨之

甲戌曉刻火星犯壘壁陣星

丙子梁仕嗣保定侯 梁傳庶弟

戊寅故刑部右侍郎林鶚子薇援例乞入監不許日蔭叙大

臣所以崇德報功示激勸也自今京官三京以上果政績昭

著許一子自陳試能通經方入監其容保位者毋濫授之

己卯右僉都御史王濬撫治鄖陽南京兵部右侍郎馬顯為

左侍郎

辛巳南京太常寺少卿劉宣為寺卿署國子監事寺丞牛綸

為少卿


岐山縣地震

壬午四川松潘疊溪茂州等番屢劫掠命巡撫都御史孫仁

等撫諭不服則勦之

甲申免山東灾租

夜月犯斗魁星



乙酉免應天及當塗田租

特旌貴州募役長官司故長官禮福海妻遠田年二十二夫節五十餘年

戊子增代州澤州同知各一

庚寅初江直以各邊鎮守總兵巡撫并分守守備官今巡按歲上其事聽勸戒至是巡按湖廣御史柳淳上之命今後考察母及內官

辛卯劉吉復乞終制不允遣鴻臚官費勅趣之尋復任

壬辰傳陞錦衣衛鎮梁德梁順為百戶舍人梁敬梁海為撫

所鎮撫仍世襲皆太監梁芳家屬也

癸巳禮部左侍郎俞欽改兵部

甲午傳臚寺主簿陳啟為中書舍人凡二十四人時傳陸鴻


奉盛行名器愈濫左右近習各恃寵求勝而梁芳尤甚安一傳奉除拜滿楮先後母慮千人

更軍衛附籍法

丁酉免蘇松常鎮去年災租五十九萬餘石

六月己亥旱災免武昌漢陽德安襄陽常德長沙荆黃安陸沔


陽秋租二十一萬九百餘石



壬寅卜陷延綏河西清水等營汪直王越調兵分禦卻之宣
府游擊劉寧擊斬六百級叅將支玉巡撫何喬新等斬七十
七級又十五級延綏總兵許寧俘二人斬百十九級大同叅
將周里等斬三十級捷上益直米二十四石越五十石進劉
寧都督僉事餘陞賞有差尚書余子俊剷削邊牆阨于官
兵分逐不得出故多斬獲自是無敢輕犯
甲辰昏刻月犯太微垣內屏星
丙午召南京閑住太監錢能安寧等守備蓋進奉獲用也
庚戌昏刻木星犯靈臺上星

戊午周府鎮平王子堉薨年十八謚榮莊
己未南京監察御史方輅憂居有罪謫肅州衛經歷
辛酉調廣東左布政使彭韶于貴州嘗言事忤旨吏部尚
書尹旻回調之

巡撫雲南右副都御史吳誠奏雲南楚雄等七衛銀課自永
樂三年開至宣德十年止天順三年復開額五萬二千三百
令明年增至十一萬二千三百八十金延至六年方足七年
又停成化三年又復天順之請額年久礦微比奉肯定二萬
六千一百餘金近又如天順六年該十萬二千三百餘金地



瘠何堪乞仍舊額不聽

後軍都督同知李愷卒開封人

丙寅南京刑部右侍郎金紳卒上元人景泰甲戌進士授給

事中進刑科都給事中劾門達擢南京大理少卿進刑部侍

郎巡撫江西釀成鳳毛之禍年四十九賜祭葬

是月傳奉官十一人

七月庚午起復右副都御史程宗按治雲南木邦夷情時孟密

本木邦宣慰司部落相仇殺太監王舉索寶石于孟密不得

遂疏孟密叛請征之大學士萬安賄于孟密欲使兵部職方

郎中劉大夏往辭京方有服遂舉之視師雲南喻以意

壬申大學士劉吉復任

癸酉外戚都指揮使王源為都督同知舍人王清為正千戶

王濬為百戶

戊寅守廉州珠池左監丞常助乞往來瓊廉高肇間會巡守

備倭等兵督兵捕盜兵部不可 上特予之

己卯暹羅入貢


庚辰命刑科給事中林霄行人姚隆往封暹羅國王隆勅刺

略坤悉利龐地

國權

成化十八年

十一



甲申命雲南歲祭故學士王禕從巡撫吳誠之請

泰州人李文昌言遇異人授黃白術試之五閱月不就命杖
五十回籍時中官輒引邪術文昌尤無驗者

乙酉廣西太平府地震聲如雷

戊子靈山縣徭賊掠村民守備都指揮杜洪不救降廣州後
衛指揮同知

庚寅昏刻大星赤光自雲中流近濁

是月傳奉官六十餘人道流盡士工匠皆與其選

八月戊戌夜大星自羽林軍流雲中三小星隨之

己亥久雨衛漳漳沱等河溢自清平至于天津


丙午合州大火

戊申夜月犯十二諸國上星

雲南總兵官沐琮奏指揮潘祺還自老撾没于孟艮其宣慰
怕雅賽牒稱交人見侵又車里欲附交人乞遣諭之兵部謂
老撾言亦詐然當慰遠人宜檄老撾撫其眾勿生事從之

夜月掩火星

癸丑遣戶部郎中陳清往大名廣平黃景往保定河間楊鐸
往真定順德過璘往山東賑飢



卜再入鉄嶺古城殺掠

乙卯懷慶大雨水淹人畜 是月楚府火

丙辰昏刺火星犯壘壁陣星又大星青白色自漸臺流近濁

乙丑南京刑部左侍郎張瑄為尚書

南京尚膳監奉御董慶薦新舟及沛縣毆縣人至濟寧又掠

苑人理河右通政楊恭以聞命刑部郎中朱守孚往勘守孚

委罪巡河工部郎中顧餘慶御史朱欽皆宜治俱停俸二月

丙寅祠故平江侯陳豫于臨清蓋建城功

是月傳奉官十八人

衡州大水

閏八月庚午署欽天監事太常寺卿童軒與五星靈臺郎馬良

弼訐奏俱下獄宥之軒奪俸半年良弼三月

壬申武成後衛倉副使應時用言六事其一日饒州燒造御

器使內臣監督供費濫濫自後但降式于諸司使造上

詰通政使何琮等何不叅駁皆服停俸下琮等七人于錦

衣獄奪俸三月調時用邊方


丙子昏刺月掩女星

丁丑汪直奏副總兵朱鑑私卒採草近邊致下入殺三十四

國權

成化十八年

十三



人逮下錦衣獄宥之降指揮僉事

辛巳廣東保昌盜數十人流劫大庾縣

甲申曉刻月犯天街上星

乙酉夜月犯五諸侯星

丙戌河南左布政使徐英為右副都御史提督漕運兼巡撫

鳳陽

庚寅刑部尚書太子少保林聰卒聰字季聰寧德人正統己

未進士授給事中平生恂恂不為斬絕之行遇事敢言景泰

中為諫臣首及居顯位不嚴而肅晚徇汪直遠東之獄議者

病之年六十六贈少保賜諡莊敏

壬辰曉刻木星犯左執法

調王越鎮守延綏都督同知許寧鎮守大同閣議恐汪直復

用離其交也


癸巳太常寺帶俸少卿周庠乞進陞從三品俸被糾下詔獄

乙未巡撫山西左副都御史何喬新劾按察僉事尚敬劉源

曠職滯訟宜問如律乞通行各巡按御史凡三司官滯訟半

年以上者悉奏請執問 上曰刑獄重事也周書曰要囚服

念五六日至于旬時桎梏縲絏久拘繫之不瘦死耶喬新劾



奏甚善其即究治令天下刑官謹獄以副朕意

是月傳奉官十四人

九月辛丑昏刻南斗魁星

錦衣衛帶俸都指揮使右叅將沐成卒成留心書史受邊任

不避險年二十六邊人惜之

壬寅分守獨石馬營右少監崔榮都指揮食事吳儼先追下

被圍而走逮入論死求于近幸乃自訟上曰念其追下非

坐視者送榮司禮監降儼定遠衛正千戶

戊申鞏昌地震夜月犯外屏西星

夜月食金星晝見

壬子夜月犯六諸王西星

戊子曉刻月犯軒轅西星

乙未免浙江災租五十九萬八百餘石

庚申曉刻月犯內屏星

辛酉豐城侯李勇卒

癸亥木星晝見

乙丑巡撫山西左副都御史何喬新為侍部刑右侍郎

傳陞姚福員為錦衣衛千戶

國權

成化十八年

十五

